

U G O V O R
ZA NABAVKU PAPIRA ZA PRITERE I FOTOKOPIR APARATE ZA POTREBE
USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine, (u daljem tekstu: **Naručilac**),

i

„**DEFTER**“ **d.o.o.**, Ul. Gatačka 20, Sarajevo, koga zastupa Refik Redžović, direktor (u daljem tekstu: **Isporučilac**).

Član 1.

Predmet ugovora je nabavka i sukcesivna isporuka papira za printere i fotokopir aparate za potrebe Naručioca, prema definisanim uslovima iz tenderske dokumentacije broj P3-73/16 od 10. februara 2016. godine i prema sadržaju ponude broj 58/16 od 23. februara 2016. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda.

Član 2.

Cijena za nabavku iz člana 1. ovog ugovora definisana je u obrascu za cijenu ponude Isporučioca i iznosi 4.078,00 KM bez PDV-a, odnosno 4.771,26 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će robu isporučivati sukcesivno, u skladu sa potrebama Naručioca, u roku od 48 sati od prijema pismene ili usmene narudžbe u prostorije Naručioca - Reisa Džemaludina Čauševića 6, treći sprat, Sarajevo.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz obrasca za cijenu ponude Naručioca i ponudi Isporučioca.

Sve troškove u vezi sa dostavom po ovom ugovoru snosi Isporučilac.

Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe

bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Ugovor se zaključuje na period od godinu dana od dana potpisivanja ugovora, odnosno do okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

Ugovorne strane mogu jednostrano raskinuti ugovor uz otkazni rok od 30 dana.

Član 6.

Na odnose između ugovornih strana koji nisu uređeni ovim ugovorom primjenjuju se odredbe zakona o obligacionim odnosima u Bosni i Hercegovini.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.



Direktor

Sarajevo, 17.03.2016
Broj: 2535/2016



Mirsad Ćeman
Predsjednik Ustavnog suda BiH

Sarajevo, 18.03.2016.
Broj: P3-73/16